

UNESCO WELT- KULTURIERWEN



SPAZÉIERWEE

LËTZEBUERG
AALSTAD A FESTUNG



Zanter 1994 stinn **d’Festungswierker vun der Stad Lëtzebuerg an hir al Quartieren** op der Lëscht vum Patrimoine mondial vun der UNESCO.

D’UNESCO-Promenade zu Fouss, ge-
nee wéi den Tour mam Vëlo, erlaben,
dës Site a seng schéinsten Attrakti-
ounen an 90 Minutten ze erliewen.



D'Stadbild vu Lëtzebuerg ass en urbanisteschen Ensembl. E verbënnt mëttelalterlech, klassesch a modern Elementer. Déi gréng Däller, Baach a Floss, eng sëllege Brécken an eng grandios Architektur reflektéieren de kulturelle Mosaik, dee Lëtzebuerg esou eenzegaarteg mécht.


ËNNERWEE

- | | |
|---------------------------|--------------------------------------|
| ① D'Constitutionnsplaz | ⑧ De Fëschmaart – d'Méchelskierch |
| ② De Park an der Péitruss | ⑨ De Palais |
| ③ Um Hellege Geesch | ⑩ D'Place Clairefontaine |
| ④ D'Grënnesch Paart | ⑪ D'Kathedral – d'Nationalbibliothék |
| ⑤ D'Corniche | |
| ⑥ De Bock an d'Kasematten | |
| ⑦ Um Rampaart | |

NET WÄIT EWECH

- | | |
|--|--|
| Ⓐ Casino - Forum d'Art Contemporain | Ⓙ MUDAM - Musée d'Art Moderne Grand-Duc Jean  |
| Ⓑ Greiſs Kapell | Ⓚ Fort Thungen – Musée Dräi Eechelen  |
| Ⓒ Naturmusée  | Ⓛ Muerbelsmillen |
| Ⓓ Centre Culturel de Rencontre Abtei Neimënster | Ⓜ Nationalmusée fir Konscht a Geschicht  |
| Ⓔ Grënnesch Kierch, schwaarz Muttergottes | Ⓝ Lëtzebuerg City Museum  |
| Ⓕ Statu vun der Melusina | Ⓞ Luxembourg City Tourist Office |
| Ⓖ Kasematten ënnert dem Bock  | Ⓟ Cercle Cité |
| Ⓗ Park Mansfeld | |
| Ⓘ Gebuertshaus vum Robert Schuman | |

 *gratis Entrée mat der „Luxembourg Card“*



Clausen- Plateau de Kirchberg





D'Constitutionunsplaz

1

D'Place de la Constitution

📷 gouf op der Plattform vum Bastion Beck amenagéiert, dee 1644 gebaut gi war, an déi 1685 vum Sébastien Le Prestre de Vauban, dem Architekt a militäreschen Ingenieur ënner dem Louis XIV, nei amenagéiert ginn ass. Dës Plaz bitt en exceptionelle Panorama iwwer dat grénge Péitrusdall an op d'Nei Bréck (**Pont Adolphe**) 📷.

Si war an de Joren 1900 a 1903 no de Pläng vum Ingenieur Paul Séjourné gebaut ginn. Deemools gouf si, mat enger Spanwäit vu 84,55 Meter, als dat gréisste Steewierk an der Welt ugesinn. Zanter 2017 verleeft ënnert der Bréck eng Passerell fir Foussgänger a Vëlofuerer. Si setzt d'Ingenieurs-Baukonscht voll en valeur.



..... **GËLLE FRA ▼**

D' „**Gëlle Fra**“ ass d'Wierk vum Lëtzebuerger Sculpteur Claus Cito. Dëst Monument ass 1923 opgestallt ginn, fir dee ne Lëtzebuerger ze gedenken, déi ënner dem franséische Fändel am Éischte Weltkrich gedéngt hunn. 1940 ass dëst Monument vum Nazi-Okkupant zerstéiert ginn. 1984 ass et restauréiert ginn.



© Vic Fischbach



© Vic Fischbach



..... D'Nei Bréck an d'Spuerkeess ▲

Um **Plateau Bourbon** op der Gare dominéiert de polygonalen Tuerm vun der Spuerkeess am Neo-Renaissance-Stil. Lénks dovun steet de fréiere Siège vun der **ARBED**  (Aciéries réunies de Burbach, Eich et Dudelange). Dëse gouf 1921 vum Lëtzebuerger Architekt Sosthène Weis no de Pläng vum franséischen Architekt René Théry gebaut. Dëst Gebai orientéiert sech u fréieren aristokrateschen Residenzen, déi als Virbild gegolft hunn. D'Gebai erënnert haut un déi glorreich industriell Geschicht vum Land no der Decouverte vum Eisenäerz am Süden. D'Produktioun vun Eisen a Stol war eng gutt Zäit laang d'Lokomotiv fir d'Entwécklung vun der Lëtzebuerger Ekonomik.

2014 ass dat prestigieëst Gebai vun Arcelor-Mittal un **d'staatlech Bank a Spuerkeess**  verkaaft ginn a gouf als Monument national klasséiert.

De Paräisser Traité vum 18. Abrëll 1951 huet déi europäesch Kuelen- a Stol-Communautéit d'CECA gegrënnt. Rietserhand, op der Metzger Plaz, wou déi al Direktioun vun der Eisebunn steet (1911, Architekten Karl Jüsgen an Nicolas Petit) huet d'CECA 1952 mat schaffen ugefaangen.



© Vic Fischbach

▲ ARBED | haut BCEE



- Fréiert d'Gebai vun der CECA,
- Kuelen- a Stol-Communautéit ▼





De Park an der Péitruss

© Vic Fischbach

2

De **Park an der Péitruss** 📷 war vum bekannte franséischen Architekt - Paysagist Edouard André entworfen ginn. En datéiert aus dem spéiden 19. Joerhonnert a gouf deemools als „la plus belle scène d'Europe“ bezeechent. Dat besonnescht un dësem öffentlichen Park ass fir d'éischt seng apaart Topografie, dann déi originell Fielsformatiounen a schliisslech d'Iwwerreschter vun de Festungsanlagen. All zesumme bidde si eng formidable Kuliss. **D'Greins Kapell**, déi an de Fiels agebaut ass, weist zum Dall hin eng Fassad,

déi aus dem 14. Joerhonnert datéiert. Et ass eng vun deeneen eelste Kultplazen aus der Stad. De **Skatepark** 📷, dee säitlech ënner dem Viaduc vun der Stad Lëtzebuerg amenagéiert gouf, integréiert sech gutt an d'Landschaft.

De Viaduc, och nach „Passerell“ oder „**Al Bréck**“ genannt, gouf vun den Ingenieuren Edouard Grenier an Auguste Letellier entworfen. En ass tëschent 1859 an 1861 gebaut ginn, fir de Garer Quartier mat der Stad, déi deemools nach eng Festung war, ze verbannen.



..... **Skatepark** ▼



© Ville de Luxembourg



Um Hellege-Geescht

© Vic Fischbach

3

Um Hellege-Geescht-Plateau

📷 stoung um Ufank e Klouschter, dat 1234 gegrënnt gi war. Vun 1340 bis 1610 gouf hei d'Schueberfouer ofgehalen. Dono gouf si baussecht d'Mauere vun der Stad verluecht. Am 17. Joerhonnert huet de Vauban dësen impressionnante Site vun der Zitadell mat Kasären a Kasematten nei ugeluecht. Déi national Archive sinn an engem fréiere Militärspidol aus dem 19. Joerhonnert ënnerbruecht. Eng vun

de Rotonden vun der Zitadell gouf mat Lëtzebuerger Rouse beplant, déi besonnesch gutt richen. Dëse Gaart erënnert un eis weltbekannt Rousenindustrie am 19. Joerhonnert. Et ass ee vu méi Rousegäert am Land.

Zanter 2008 steet d'**Cité judiciaire** um Plateau vum Hellege-Geescht. Si besteet aus sechs Gebaier, déi de Lëtzebuerger Architekt Rob Krier entworfen huet.



LONDONER VERTRAG



De Londoner Vertrag vum 11. Mee 1867 ass vun de groussen europäesche Muechte vun där Zäit ënnerschriwwen ginn an huet d'Neutralitéit vum Grand-duché proklaméiert. Fir dës Neutralitéit ze garantéieren, hunn d'Festungswierker vun der Stad Lëtzebuerg, déi deemools „Gibraltar vum Norden“ genannt

gouf, misse geschleeft ginn. Si hunn ni méi därfen opgebaut ginn. D'Garnisoun mat ëm déi 4000 Zaldoten, déi zu der däitscher Bundesgarnisoun gehéiert hunn an deemools an der Stad stationéiert waren, hu missten heemgoen. Haut bestinn nach 23 Kilometer vun den ënnerierdesche Kasematten. Déi drëtt Enceinte ass en Deel vun de Wenzel- a Vauban-Trëppelweeër.



D'Grënnesch Paart

© Vic Fischbach

4

Si gëtt och nach d'Spuenesch Paart genannt, well si am 17. Joerhonnert gebaut gouf. Si ass d'Ent-rée fir d'Uewerstad. De **Gronn** 📷 ass e Quartier, deem e ganz harmoneschen Architekturensambel weist. Hei ass „Patrimoine“ keen eidelt Wuert, well hei verbanne sech Elementer aus dem Mëttelelter mat enger intakter Natur laanscht d'Uelzecht. De Gronn ass ee vun deenen eelste Quartiere vun der Stad. Hei hu scho Leit virum 10. Joerhonnert gelieft. Si ware meeschtens Handwierker oder Händler. Déi fréier benedik-tinesch Abtei vun Neimënster war 1606 gebaut ginn. D'Franséisch Revolutioun huet se seculariséiert. Vun dunn u gouf si als Kasär an dono als Männerprisong ge-notzt. Zanter 2004 ass hei de Centre Culturel de Rencontre Abbaye

de Neumünster (Neimënster) do-heem. De „**Klouschtergaart**“ 📷, ass e Geméisgaart an e Wéngert zugläich. E läit wonnerschéin an der Sonn, um Fouss vum mäch-tege Bockfiels. Dës Lag erkläert dat agreabelt Mikroklima. Hei geet et drëms, fir rare Planzen en neie Liewensraum ze ginn. Beies-täck suerge fir d'Produktioun vun natierlechem Hunneg. De Site ass an Terrassen opgebaut, wat dem Klouschtergaart e ganz spezifische Charakter gëtt. Déi perma-nent an temporär Ausstellungen am **Naturmusée** invitéieren op richtig Entdeckungsreesen iwwert d'Evolutioun an d'Biodiver-sitéit. De Musée gouf am fréieren Hospice Saint-Jean agericht. D'Originne vum Gebai gi bis 1308 zeréck.



Neimënster
Klouschtergaart ▶



@Catherine Decker



5

De Lëtzebuerger Schrëftsteller Batty Weber huet d'Corniche 📍, „dee schéinste Balcon an Europa“ genannt. Si féiert iwwer d'Remparten aus dem 17. Joerhonnert. Si waren ënner de Spuenier a Fransouse gebaut ginn. Si féieren héich iwwer d'Ënnerstad vum Gronn a ginn och eng schéi


Vue eriwuer op d'Rumm. Hei gesäit een am beschten, wat d'Typologie vun der Haaptstad duerstellt. Opfälleg sinn déi méi schmuel a méi breet Haiser, deenen hir Fassaden zwou oder dräi, alt fënnel Fënsteren um Stack kënnen ëmfaassen. Héich Diech mat véier Versante sinn eng weider Charakteristik.

D'MELUSINA 📖



D'Seeche vun der schéiner Melusina ass e Stéck vum Mythe a vun der Geschicht iwwer d'Grënnung vun der Stad. Vill Kënschtler, Historiker an Dichter hu sech vun der geheimnisvoller Melusina fir hir Aarbechten inspiréiere gelooss. D'Seeche verzielt, de Grof Siegfried – de Begrënner vu Stad a Land – hätt d'Melusina bestuet, déi a Wierklechkeet sollt eng Nix gewiescht sinn.

Dem Siegfried säin ondezente Virwëlz huet d'Melusina esou verzweiwelt gelooss, datt si sech aus dem Schloss erof an d'Uelzecht gestierzt huet. De Siegfried ass de Begrënner vum Haus Lëtzebuerg, dat dem Hellege Réimesche Räich véier Keeseren a Béimen véier Kinneke geschenkt huet. De Lëtzebuerger Kënschtler Serge Ecker huet 2013 d'Statu vun der Melusina entworfen a realiséiert. Si steet direkt ënner dem Bockfiels. Bei sengem Projet hu sech Geschicht an nei Technologien zesummefonnt. En 3D-Scan vun engem Fraekierper gouf iwwer numereschen Chat bis a seng definitiv Form era finaliséiert. Datt d'Statu aus Keramik ass, ass keen Zoufall, am Gronn haten d'Aulebäcker Traditioun.



De Bock an d'Kasematten

© Vic Fischbach

6

Vun der Corniche aus geet et weider op de **Bock** 📷. Hei stoung am 10. Joerhonnert d'Grofeschlass vun de Lëtzeburger, souzesoen d'Wéi vu Lëtzebuerg. D'Schlass gouf am 16. Joerhonnert zerstéiert. Well et der Evolutioun vun der Technik an der Artillerie net méi nokomm ass, gouf d'Schlass schliisslech verlooss. Eréischt am 17. Joerhonnert gëtt de ganze Bockfiels den neiste Kenntniss vun der Festungsstrategie a Waffenentwicklung ugepasst. D'archeologesch Krypta an **d'Kasematten**, déi ënnerierdesch Gäng, déi an de Sandsteen gehae goufen, sinn onbedéngt kuckeswäert. En face vum Bock, um Hank vum Kierchbierg, steet de **Fort Thungen**. 📷 Hien datéiert vu 1732. Just nach 3 Originaltiern sinn

dervun erhalen. Zanter 2012 ass de **Musée Dräi Eechelen** hei doheim. Hie verzielt déi spannend Geschicht vun der Festung Lëtzebuerg. Direkt hannendru läit de Musée d'Art Moderne Grand-Duc Jean och **MUDAM** genannt, deem 2006 seng Dieren opgemaach huet. Dëse Musée gouf vum chinesesch-amerikaneschen Architekt Ioh Ming Pei entworf.

Just ënnert dem Bock, a Richtung Kierchbierg, gesäit een dem **Robert Schuman** säi Gebuertshaus. Hien ass 1886 zu Lëtzebuerg-Clausen op d'Welt komm. Hie mécht eng Carrière als franséische Staatsmann a gëllt als ee vun de Päpp vun der Europäescher Unioun.



© Vic Fischbach



◀ **Fort Thungen - Musée Dräi Eechelen an de MUDAM**



Um Rampaart

© Vic Fischbach

7

▼ Déi 3 Tier



© Vic Fischbach

Direkt bei der **Schlassbréck** 📷 (1735) steet e Gedenksteen, deem 1936 opgeriicht gouf, an deem drun erënnert, datt de **J. W. Goethe**, wéi hie 1792 während der „Kampagne in Frankreich“ duerch Lëtzebuerg ënnerwee war, d'Stad als wonnerschéi beschriwwen huet. En Zitat dovunner steet um Steen ze liesen. D'Schlassbréck ass e Meeschterwierk vun der militärescher Ingenierie. Iwwert zwee Stäck verbënnt si de Bock mat der

Uewerstad, do derbäi kommen nach ënnerierdesch Passagen, soudatt am Fong véier Weeër matenaner déi zwou Säiten ënnerternee verbannen.

Eise Wee geet weider, riets laanscht d'Arkade vum **Conseil d'État** a Richtung Pafendaller Bierg. De Wee féiert iwwert de fréiere Wee vum **Rampaart**, deem am 16. Joerhonnert ugelycht gouf. Déi **Dräi Tier** 📷 sinn u sech eng vun de fréieren Haaptentréeën fir erop an d'Uewerstad. Den Numm weist einfach nëmmen op hir Bauform hin. Si sinn deem eenzege militäreschen Zeien aus dem Mëttelalter an der Uewerstad.

▼ **Schlassbréck**



© Vic Fischbach



Feschmaart – Méchelskierch

© Vic Fischbach

8

D'Stroosse vun der **Alstad** (Breedewee, Fleeschiergaass, rue de la Loge, rue de la Monnaie) an de Feschmaart selwer erënneren un d'Zäite vum Mëttelalter. Eenzel Haiser verkierpere méi staark d'Geschicht, esou d'Haus „Ënnert de Stäiler“ oder d'Haus mam Tiernchen, wou d'Nationaldevise vu Lëtzebuerg dropsteet „Mir wëlle bleiwe wat mir sinn!“

Ouschterméindeg steet de Feschmaart am Mëttelpunkt



..... **Méchelskierch** ▼



© Vic Fischbach

vum groussen folkloristeschen Fest **Eemaischen**, dat un dat kierchlecht Fest vun Emmaus erënnere soll.

D'Originne vun der **Méchelskierch** gi bis an d'7. Joerhonnert zeréck. 987 huet de Grof Siegfried den Äerzbischof Egbert vun Tréier gebieden, fir d'Kierch anzeseeenen. Si gouf deemools dem Jesus – dem Mënscheretter – als Patréiner ënnerstallt. Iwwert d'Joerhonnerten erduerch gouf d'Méchelskierch ëmmer nees zerstiért, nei opgebaut, ëm- an ausgebaut. Haut weist si sech wéi 1688. Den Héichaltor gouf 1770 vum Artist Barthélémy Namur geschnëtzt. D'Uergel datéiert aus dem 17. Joerhonnert.

Den **Nationalmusée fir Geschicht a Konscht** 📷 weist räich ëffentlech Kollektionen am Beräich vun de Beaux-arts, den Arts déco-



..... Nationalmusée fir Geschicht a Konscht ▲

ratifs an der folkloristescher Konscht. De Medailles-Cabinet weist e puer ganz rar Mënzen a wäertvoll Medaillen. Ënnert allen Objete stécht iewel virun allem den „Viichtener Mosaik“ ervir. Mat senge Muse-Representatiounen ass et ee vun deene gréissten op dëser Säit vun den Alpen.

De fréiere Palais de Justice ass zanter 2017 de **Ministère des Affaires étrangères et européennes**. Den imposanten, tipptopp restauréier-

te Bau féiert op d'Joer 1545 zeréck, wou de Conseiller du Roi Nicolas Greisch hei en Haus baue gelooss huet. 1564 kleeft de Gouverneur Ernest de Mansfeld (1517-1604) d'Gebai an adaptéiert et fir als **Sëtz vun de Gouverneure vu Lëtzebuerg** ze déngen. Bis 1795 gouf et an dëser Funktioun genotzt. Wéi den Ancien Régime ofgeschaaft gouf, hunn déi nei Autoritéiten decidéiert, hei d'Gericht ze etabléieren. Hei blouf et bis 2008.

EEMAISCHEN



© SIP

Zanter 1827, steet op Ouschtersonndeg de Fëschmaart am Mëttelpunkt vun der Eemaischen, engem grouse folkloristesche Fest, wat alljoers vill Leit unzitt. 1937 haten sech eng Rei Awunner aus dem Quartier zesummegedoen, fir dës flott Traditioun nei opliewen ze loossen. Hei gi besonnesch Tounwuere verkaft. Aus dëser Initiativ gound den „Comité

Alstad“ ervir. Verlëifte Koppelen schenke sech Péckvillercher, d.h. Päifen aus Toun, als Zeeche vu Fruchtbarkeet. Dësen traditiounsräiche Maart gehéiert haut zu der Mémoire immatérielle vu Lëtzebuerg.



De **Palais** 📷 ass e Bau am Stil vun der flämescher Renaissance.

Hie gouf vum „Baumeister“ Adam Roberti, an der zweeter Hallschent vum 16. Joerhonnert gebaut. D’Gebai hat deemools d’Funktoun vun der Märei. D’Funktoun als Stadhaus bleift bis 1795 erhalen an dëst gëtt dann de Siège vun der Prefektur vum Département des Forêts, a vun 1817 un den Hotel du Gouvernement. Zanter 1890 ass d’Gebai „Palais“ déi offiziell Residenz vum Grandduc während sengen Openthalter an der Stad. Dee prachtvollen Interieur mat senger Receptiounssäll kann am Summer besichtegt ginn.

No der Onofhängegkeet am Joer 1839 huet sech d’Ständerversammlung am Hotel du Gouvernement, dem aktuelle Palais, getraff. Eréischt

vun 1860 u versammelt sech **d’Chamber** an hirem eegene Gebai. D’Chambersgebai gëtt e puer Mol am Laf vum 19. an 20. Joerhonnert vergréissert an hält haut en Deel vum Haff vum Palais mat an.

De **Lëtzebuerg City Museum (LCM), Geschichtsmusée vun der Stad**, gouf a véier ale Patrizierhaiser ageriicht, déi och als Abteirefuge genotzt gi sinn. Dës Haiser „Um Hellege Geesch“ datéieren aus dem 17. bis 19. Joerhonnert. Bei eenzele ginn d’Urspréng esouguer bis an d’Mëttelalter zeréck. Dem LCM seng Dauerausstellung weist d’Geschicht vun der Stad an déi historesch Maquettë ginn e gudden Iwwerbléck, wéi sech d’Stad entwéckelt huet. De Musée weist och Thementausstellungen mat sozio-kulturellen Aspekter, déi an enger historischer Optik traitéiert ginn.



D'Place Clairefontaine

10

Zanter 1975 ass den **Hôtel de Bourgogne** 📷 d'offiziell Residenz an d'Aarbechtsplaz vun der Lëtzebuerger Regierung. Hei huet och de **Ministère d'État** säi Sëtz. D'Gebai selwer gëtt fir d'éischt 1447 als Residenz vum Representant vum burgundeschen Herzog, Charles le Téméraire, genannt.



... **Hôtel de Bourgogne** ▼



D'Plaz **Clairefontaine (Um Schoulbierg)** 📷 läit an direkter Noperschaft zu der Kathedral an dem Regierungskwartier. Dës Plaz gouf et net virun 1935. Dem historresche Kader vum Quartier

entspreechend gouf dëse Square ronn 50 Joer drop nei amenagéiert an dréit esou mat zu der Valorisation vum der Alstad bäi. Dominéiert gëtt de Raum vum der Statu vum der **Groussherzogin Charlotte**, déi tëscht 1919 an 1964 regéiert huet. D'Statu ass e Wierk vum Paräisser Artist Jean Cardot a steet fir d'Resistenz vum Land géintwärt dem Nazi-Okkupant. Sankt Maximäin ass de Refuge vum den Äbt a Patere vum der Tréierer Abtei **Sankt Maximin** zu Tréier. D'Gebai gouf 1751 gebaut. Kuerz no der Sekulariséierung gouf et de Sëtz vum Festungskommandant bis 1867. Dono gouf et genotzt als Regierungssëtz. De Ministère des Affaires étrangères et européennes war de leschten Haushär bis 2017.

D'Plaz Wëllem II krut hiren Numm zu Éiere vum Kin-



De Wëllem um Päerd ▲

Déi fréier Franziskanerkierch um Knuedler war mat eng vun deene schéinsten an der Stad. Hei ware Perséinlechkeete wéi d’Gouverneure Pierre Ernest de Mansfeld a Jean Beck begruween. De Jang de Blannen, Kinnek vu Béimen a Grof vu Lëtzebuerg, an de Charles le Téméraire waren eng Zäit hei begruween. D’Klouschter gouf 1795 Staatspropriétéit, den Uerde gouf 1796 opgehuewen. 1827 gouf d’Klouschter ofgerappt, fir datt hei déi gréisste Plaz vun der Stad konnt entstoën. Et sollt eng ëffentlech Plaz ginn, dominiert vum Stadhaus a vum Palais vum Festungsgouverneur. Dës leschte Bau gouf allerdéngs ni realiséiert. All Woch ass hei mëttwochmueres a samschdesmueres Maart. De Wëllem um Päerd steet dann am Zentrum vun enger Hellewull Maartstänn.



..... D’Stadhaus mam Knuedler ▼

nek-Groussherzog Wëllem II. Am Volleksmond gëtt si „de Knuedler“ 📷 genannt. Hei entstoung um Enn vum 13. Joerhonnert d’Franziskanerklooschter. D’Patere goufen d’Knuedler genannt, well si e Seel mat Kniet (Knuet am Singulier) ronderëm d’Taille gebonnen haten. D’Reiterstandbild vum Kinnek-Groussherzog Wëllem II vun Oranien-Nassau gouf 1884 opgeriicht. D’Wierk vum franséische Kënschtler Antonin Mercié sollt drun erënneren, datt de Kinnek-Groussherzog Wëllem II. Lëtzebuerg 1848 seng éischt parlamentaresch Constitutioun ginn huet. Dës Verfassung war deemools eng vun deene liberaalsten an Europa.



D’Éierentrap erop bei d’**Stadhaus** gouf tëscht 1830 an 1838 gebaut. De Projet vum Stadhaus féiert op de Lécker Architekt J. E. Rémont zeréck. Zanter 1931 ass se vun zwee Léiwe vum Lëtzebuerger Sculpteur Auguste Trémont flankéiert. Den 10. August 1952 gouf am Stadhaus de Grënnungsakt vun der **CECA** ënnerschrëwen.



D'Kathedral – d'Nationalbibliothék

11

D'Kathedral vu Lëtzebuerg

📷 gouf 1621 geweit. Si war d'Kierch vun de Jesuitteparteren zu Lëtzebuerg. Si ass e schéint Beispill vun der Spéitgotik a räich u wäertvolle Renaissance-Skulpturen. Um Enn vum 18. Joerhonnert gouf d'Statu vun der Muttergottes, der Tréischterin am Leed, Patréinesch vu Stad a Land, definitiv an der haiteger Kathedral opgestallt. De Pöpst Pius IX. huet d'Kierch 1879 zur Bëschofskierch vu Lëtzebuerg ernannt. 1870 war Lëtzebuerg en eegene Bistum ginn. 1935 a 1938 gouf d'Kathedral no Süden hi vergréissert. An der Krypta sinn d'Griewer vun de Lëtzebuerger Bëschef, an déi vu Membere vun der groussherzoglecher Famill ze gesinn. Och de Jang de Blannen (1296-1346), Jong vum Keiser Henri VII. a Kinnek vu Béimen, läit hei. De Jang de Blannen ass gestuerwen an der Schluecht vu Crécy. De

Lëtzebuerger Grof ass eng typesch Figur fir d'Mëttelalter. Hie war trei dem Keiser vum Hellege Réimesche Räich an dem Kinnek vu Frankräich. Souzesoen als Protoeuropäer war hie bei alle signifikante Schluechte vun deemools derbäi. An den Nopeschgebaier vun der Kathedral, déi op d'Constitutionenplaz ginn, war fréier (1603-1773) de Jesuite-Kolléisch. Am 19. an 20. Joerhonnert war hei den „Kolléisch“, den „Athénée grand-ducal“ doheem. Vun 1973 bis 2018 war hei **d'Nationalbibliothék** ënnerbruecht.



D'Tréischterin am Leed ▲



E puer Schlüsseldatumer an eiser Geschicht

© LCM



Zur Zäit vun de Réimer hunn zwou Konsular-Stroossen den Territoire vun der haiteger Alstad duerchquierscht. Si hu sech gekräizt op der Héicht vum Fëschmaart, wou e befestigten Tuerm stoung.

963

De Grof Siegfried gëtt Propriétaire vum Bockfiels. Hie baut do säi Schloss, d'Wéi vun der Stad.

963- 1354 Lëtzebuerg ass eng autonom Grofschaft.

1083

Grënnung vun der Abtei Almënster, direkt ënnert dem Schloss. Hei gëtt Latäin, Franséisch an Däitsch enseignéiert. Hei gëtt d'Fëllement vun der Lëtzebuerger Méisproochegkeet geluecht.

1244

Fräiheetsbrëif vun der Gräfin Ermesinde: Lëtzebuerg ka sech als wirtschaftleche Standuert entwéckelen.

1340

Grënnung vun der „Schueberfouer“ oder „Schobermess“ duerch de Grof Jang de Blannen: Lëtzebuerg positionéiert sech op dem Handelswee Italien-Gott-hard-Flandern.

1354

Lëtzebuerg gëtt en Herzogtum.

1443

Lëtzebuerg gëtt vun de Burgunder ageholl.

Burgundesche Zäit. (1443-1506)

1506

Spuenesche Zäit. (1506-1684)

1554	Schwéier Pulverexplosioun: e gudden Deel vun der Uewerstad gëtt duerch d'Feier zerstéiert.
1684	Lëtzebuerg gëtt vun den Truppe vum Louis XIV ageholl: Lëtzebuerg gëtt franséisch. Franséisch Zäit – de Vauban baut d'Festung aus. (1684-1697)
1698	Spuenesch Zäit. (1698-1700)
1701	Spueneschen Ierffollegkrich. (1701-1714)
1715	Éisträichesch Zäit. (1715-1795)
1795	Lëtzebuerg gëtt vu franséische republikaneschen Truppen ageholl: D'Land gëtt d'„Département des Forêts“. Franséisch republikanesch Zäit. (1795-1814)
1815	Lëtzebuerg gëtt e Grand-duché. De Kinnek vun Holland ass duerch d'Personalunioun mam Land Groussherzog vu Lëtzebuerg. D'Festung gëtt Bundesfestung vum Däitsche Bond. D'Haus Orange-Nassau regéiert iwwert d'Land. (1815-1890)
1839	Lëtzebuerg gëtt onofhängeg.
1867	Traité vu London: Lëtzebuerg gëtt politesch a militäresch neutral ; d'Festung gëtt geschleeft, d'Festungsstad gëtt zur oppener Stad.
1890	D'Haus Nassau-Weilburg regéiert iwwert d'Land. (1890 - Haut)
1952	Lëtzebuerg gëtt provisoresch d'Aarbechtsplaz vun der CECA – „Haute Autorité des Communautés Européennes du Charbon et de l'Acier“.
1992	Den europäesche Sommet vun Édimbourg confirméiert, datt Lëtzebuerg zesumme mat Bréissel a Stroossbuerg Sëtz vun europäeschen Institutiounen ass.
1994	d'Festungswierker vun der Stad Lëtzebuerg an hir al Quartiere ginn an d'Weltlëscht vum Patrimoine bei der UNESCO opgeholl.
1995	Lëtzebuerg gëtt Kulturhaaptstad vun Europa.
2007	Lëtzebuerg an d'Groussregioun gi Kulturhaaptstad vun Europa.



G Kasematte vum Bock

- 🕒 10. Feb-29. Mäerz; 1. Okt-4. Nov
2018, all Dag op: 10-17h30, 30.
Mäerz-30. Sept, all Dag: 10-20h30
- ✉ touristinfo@lcto.lu
- 🌐 www.luxembourg-city.lu

M Nationalmusée fir Geschicht a Konscht

- 🕒 Dë-So: 10-18h00, Do: 10-20h00,
an de Schoulvakanzen ass och op.
- 📍 Marché-aux-Poissons
L-2345 Luxembourg
- 📞 +352 47 93 30 1
- ✉ musee@mnha.etat.lu
- 🌐 www.mnha.lu

Groussherzogleche Palais

- 🕒 Visite-guidéee vum de Receptiouns-
säll vu Mëtt Juli bis Enn August.
- 📍 17, rue du Marché-aux-Herbes
L-1728 Luxembourg
- ✉ touristinfo@lcto.lu
- 🌐 www.luxembourg-city.lu

N Lëtzebuerg City Museum

- 🕒 Dë-So: 10-18h00, Frei: 10-20h00,
an de Schoulvakanzen ass och op
- 📍 14, rue du St-Esprit
L-2090 Luxembourg
- 📞 +352 47 96 45 00
- ✉ mhvl@2musees.vdl.lu
- 🌐 www.citymuseum.lu

Kathedral vu Lëtzebuerg

- 🕒 Mé-So: 8-20h00
- 📍 Rue Notre Dame
L-2240 Luxembourg
- 📞 +352 46 20 23
- ✉ archeveche@cathol.lu
- 🌐 www.cathol.lu

A Casino Luxembourg – Forum d'art contemporai

- 🕒 Mé-So: 11-17h00, Do: 11-23h00
Zou: Dë, 1. Jan, 1. Nov, 25. Dez
- 📍 41, rue Notre-Dame
L-2240 Luxembourg
- 📞 +352 22 50 45
- ✉ info@casino-luxembourg.lu
- 🌐 www.casino-luxembourg.lu

C Naturmusée

- 🕒 Dë: 10-20h00, Më-So: 10-18h00
- 📍 24, rue Münster
L-2160 Luxembourg
- 📞 +352 46 22 33 1
- ✉ musee-info@mnh.lu
- 🌐 www.mnhn.lu

D Centre Culturel de Rencontre Abbaye de Neumünster (Neimënster)

- 🕒 Mé-Fr: 8-19h00, WE: 10-20h00
- 📍 28, rue Münster
L-2160 Luxembourg
- 📞 +352 26 20 52 1
- ✉ contact@neimenster.lu
- 🌐 www.neimenster.lu

H Parc Mansfeld

- 🕒 Nov-Feb: 7h30-18h00
Mäerz: 7h30-20h00
Abrëll-Sept: 7-22h00
Okt: 7h30-20h00

D'Buchstaven bei de Sitten
verweisen op de Plang vun de
Säiten 4 a 5

J MUDAM-Musée d'Art Moderne Grand-Duc Jean ✈

🕒 Mé-Fr & op Feierdeeg:
10-18h00, WE: 10-23h00
(d'Ausstellungsraum maachen um
22.00 Auer zou), méindes ass zou.

📍 3, Park Dräi Eechelen
L-1499 Luxembourg

☎ +352 45 37 85 960

✉ info@mudam.lu

🌐 www.mudam.lu

K Fort Thungen – Musée Dräi Eechelen ✈

🕒 Dë, Fr - Sonn: 10-18h00,
Donn: 10-20h00

📍 5, Park Dräi Eechelen
L-1499 Luxembourg

☎ +352 26 43 35

✉ info@m3e.etat.lu

🌐 www.m3e.lu

L Al Moschterfabrik „Muerbelsmillen“
Dokumentatiounscenter

🕒 Sa-So: 14-18h00

📍 69, rue de Mohrfels
L-2158 Luxembourg

☎ +352 47 96 45 01

✉ visites@2musees.vdl.lu

🌐 www.citymuseum.lu

P Cercle Cité

🕒 Öffnungszäiten: Kuckt
de Programm vun de
Manifestatiounen

📍 Place d'Armes
L-1136 Luxembourg

☎ +352 47 96 51-33

✉ info@cerclecite.lu

🌐 www.cerclecite.lu

D'„Luxembourg Card“ ass eng ideal Solu-
tioun fir Frënn vun der Kultur. Während en-
gem, zwee oder dräi Deeg kënnt Dir sel-
wer oder an engem Grupp bis zu fënnef
Leit gratis Entréeën hu bei méi wéi 60 Mu-
séeën an Attraktiounen uechter d'Land.
Dobäi kënnt, datt mat der „Luxembourg
Card“ den öffentlichen Transport (Bus,
Tram, Bunn) iwwerall gratis ass.

www.visitluxembourg.com . Kuckt och an
den App store a bei Google play. Präis 13-
68 €, eng Informationsbroschür ass am
Präis mat abegraff.

Entdeckt den „Patrimoine mondial“ och
an engem Buch, dat Dir am Shop vum
City Tourist Office an am „Luxembourg
House“ (2, rue de l'Eau) ze kafe kritt. Gitt
mat op enger Visite guidée: Kasematten
um Bock, Trëppelweeër Wenzel, Mans-
feld, Vauban. Gitt mat op der City Pro-
menade.



**GRATIS ENTRÉE MAT DER
„LUXEMBOURG CARD“**

O Luxembourg City Tourist Office

🕒 Okt-Mäerz: 9-18h00

Abrëll-Sept: 9-19h00

So, Vakanze: 10-18h00

📍 30, place Guillaume II
L-1648 Luxemburg

☎ +352 22 28 09

✉ touristinfo@lcto.lu

🌐 www.luxembourg-city.lu



LE GOUVERNEMENT
DU GRAND-DUCHÉ DE LUXEMBOURG
Ministère de la Culture



LE GOUVERNEMENT
DU GRAND-DUCHÉ DE LUXEMBOURG
Ministère du Développement durable
et des Infrastructures



Organisation
des Nations Unies
pour l'éducation,
la science et la culture

Commission luxembourgeoise
pour la coopération
avec l'UNESCO


luxembourg
city tourist office



Le cœur battant de votre jardin



SYNDICAT DU STADTGRUND
20 rue Saint Ulric
L-2651 Luxembourg



Editor : Commission luxembourgeoise pour la coopération avec l'UNESCO an Zesummenarbecht mat: Stad Lëtzebuerg, Ministère de la Culture, Ministère du Développement durable et des Infrastructures, Luxembourg City Tourist Office, Comité Alstad, Syndicat des Intérêts Locaux Pfaffensthal-Siechenhof, Syndicat des Intérêts Locaux du Stadtgrund, Les Amis du château de Clausen, Frënn vun der Festungsgeschicht, Geschichtsfrënn St Quirin, Patrimoine Roses pour le Luxembourg.

Layout : Kiwi media

Fotorechter : sti beim Bild

Drock : Imprimerie Schlimé

Tirage : 1000

© 2018

www.unesco.lu

